



BASES REGULADORAS PARA A CONVOCATORIA DE SUBVENCÍONS A ANPAS, CEIPS E IES SEN ÁNIMO DE LUCRO ANO 2024 DO CONCELLO DE CERVO

1.- OBXECTO DA CONVOCATORIA.

Esta convocatoria ten por obxecto regular o procedemento da concesión de subvencións en réxime de concorrència competitiva para fomentar as actividades educativas, recreativas, culturais e calquera outra actividade que realicen os beneficiarios sempre que sexan dirixidas á colectividade escolar, e promovidas polas ANPAS, CEIPS e IES durante o exercicio de 2024.

2.- BENEFICIARIOS.

Poderán solicitar as subvencións reguladas na presente convocatoria as ANPAS, CEIPS e IES que se encontren en activo no prazo de presentación das solicitudes, e pertencentes ao Concello de Cervo. Non poderán ter a condición de beneficiarios aquelas persoas ou entidades nas que concorran as circunstancias enumeradas no artigo 13.2 da Lei 38/2003, xeral de subvencións.

3.- ACTIVIDADES SUBVENCIONABLES.

As subvencións que se concedan ao abeiro destas bases terán por obxecto:

- a) Colaboración nos gastos correntes derivados da realización das actividades educativas, recreativas, culturais e calquera outra actividade que realicen os beneficiarios e sempre que sexan dirixidas á colectividade escolar.
- b) Gastos xerais de funcionamento, conservación, mantemento ou reparacións menores da entidade, que non teñan o carácter de investimento.

4.- CONTÍA, LÍMITE E COMPATIBILIDADE DAS SUBVENCÍONS.

A contía das subvencións reguladas nas presentes bases non poderá ser tal que, illadamente ou en concorrència con subvencións ou axudas doutras administracións públicas ou doutros entes públicos ou privados, supere o custe total da actividade a desenvolver polo beneficiario.

5.- PRAZO DE PRESENTACIÓN DE SOLICITUDES.

O prazo de presentación de solicitudes rematará transcorridos 10 días a partires do día seguinte ao da publicación do extracto desta convocatoria no Boletín Oficial da Provincia de





Lugo. As solicitudes presentaranse no rexistro xeral do concello, acompañadas da seguinte documentación:

- 1º Orzamento detallado da entidade.
- 2º Fotocopia compulsada do DNI do representante legal e documento que acredite a súa representación e fotocopia do NIF da entidade.
- 3º Certificado de titularidade da conta bancaria na que se realizarán os pagamentos.
- 4º Declaración xurada da obtención doutras subvencións, axudas, ingresos ou recursos que financien as actividades subvencionadas, indicando o seu importe, ou ben declaración xurada de non percibir ningunha outra axuda para o mesmo fin.
- 5º Declaración xurada de non estar incursos nas prohibicións para obter a condición de beneficiario sinaladas nos apartados 2 e 3 do artigo 13 da Lei 38/2003, de 17 de novembro, xeral de subvencións.
- 6º Declaración responsable de non ser debedor á facenda estatal e autonómica. Posteriormente, antes do aboamento da subvención que sexa concedida, deberá ser presentada certificación acreditativa.
- 7º Fotocopia compulsada dos estatutos da entidade (no caso de ANPAS).
- 8º Documento que acredite a composición da xunta directiva da entidade.
- 9º Autorización para que o Concello de Cervo comprobe a veracidade dos datos correspondentes ao cumprimento de estar ao corrente coas obrigas tributarias coa seguridade social e facenda estatal.

6.- CRITERIOS PARA A CONCESIÓN DE SUBVENCIONES.

O importe da subvención para cada beneficiario resultará do prorrateo entre tódolos beneficiarios do importe global máximo previsto no artigo 7 das presentes Bases. A contía máxima por cada axuda será de 1.250 €.

7.- IMPORTE E APLICACIÓN ORZAMENTARIA.

O importe global para as presentes subvencións será de 7.500 € con cargo á partida 320.48900 do vixente orzamento do Concello de Cervo para o ano 2024, que é o prorrogado do 2023.





8.- INSTRUCCIÓN E ÓRGANO INSTRUTOR.

O órgano competente para a instrución do procedemento, así como para a realización de cantas actuacións estime necesarias para a determinación, coñecemento e comprobación dos datos en virtude dos que debe pronunciarse a proposta de resolución será a Axente de Emprego e Desenvolvemento Local . O órgano instrutor, á vista do expediente e do informe da comisión avaliadora formulará a proposta de resolución provisional, na que se expresará o cumprimento dos requisitos dos solicitantes para a concesión das axudas, a relación nominal e a contía individualizada de subvención que se propón para cada solicitante.

Se na instrución do expediente fosen tidos en conta outros feitos ou datos distintos dos aportados polos interesados, notificaráselle a estes a proposta de resolución, concedéndolles un prazo de 10 días para que presenten as alegacións que estimen pertinentes. Á vista das alegacións presentadas, o órgano instrutor formulará a proposta de resolución definitiva.

De non presentarse alegacións, ou no caso de que este trámite non fose necesario de conformidade co parágrafo anterior, a proposta de resolución provisional terá automaticamente o carácter de proposta de resolución definitiva.

9.- COMISIÓN AVALIADORA.

A comisión avaliadora estará composta polo concelleiro de Innovación e Emprendemento, a concelleira delegada de Medio Ambiente, así como do Concelleiro delegado de Deportes.

A comisión avaliadora elevará a proposta de concesión á alcaldía a través do órgano instrutor na que se concretará individualmente para cada beneficiario o resultado da avaliación realizada.

10.- RESOLUCIÓN.

O órgano competente para a concesión das subvencións será a Alcaldía, previo informe da intervención municipal. O acordo de concesión ou denegación será motivado, quedando constancia no expediente dos fundamentos da resolución que se adopte.

11.- ACEPTACIÓN POLOS BENEFICIARIOS.

A subvención entenderase aceptada polo solicitante se no prazo de 10 días dende a notificación da concesión non manifestase expresamente o seu rexeitamento.





12.- XUSTIFICACIÓN DAS ACTIVIDADES E PAGAMENTO DAS SUBVENCIONS.

O prazo máximo de xustificación da subvención concedida será ata o 28 de decembro de 2024, quedando revocadas as subvencións non xustificadas debidamente neste prazo.

O pagamento das subvencións realizarase previa xustificación dos gastos subvencionados e do seu destino ás finalidades para as que se concederon as subvencións. En todo caso, os gastos subvencionados deberán ter sido realizados durante o ano 2024. A xustificación poderá realizarse mediante a presentación dos seguintes documentos:

- a) No caso de gastos correntes, mediante facturas orixinais ou fotocopias compulsadas ou documentos con eficacia probatoria no tráfico mercantil relacionadas coas actividades subvencionadas. No caso de que coa información contida nas facturas, non quede suficientemente especificada a actividade subvencionada, acompañarase unha memoria xustificativa da actividade que se subvenciona.
As facturas que se presenten como xustificación da subvención concedida deberán cumprir os requisitos do RD 1619/2012, de 30 de novembro, polo que se regulan as obrigas de facturación.
- b) No caso de gastos de persoal, mediante orixinais ou fotocopias compulsadas de nóminas ou boletíns de cotizacións a seguridade social (TCS), así como xustificantes bancarios de pagos, ou recibín dos traballadores no seu caso.
- c) Si a actividade tamén fora subvencionada por outra entidade pública ou privada, deberá presentarse copia da resolución comunicando a concesión da axuda.

En todo caso deberá presentarse declaración do representante da entidade de que se realizaron os fins para os que foi concedida a subvención e que as facturas e/ou documentos que se presentan como xustificación foron aplicados ás actividades subvencionadas.

A aprobación da xustificación presentada polos beneficiarios corresponderá a alcaldesa, previo informe da intervención municipal.

13.- COMPROBACIÓN, REINTEGRO DAS SUBVENCIONS E RÉXIME SANCIONADOR.

En materia de comprobación, reintegro e réxime sancionador estarase ó establecido nas bases xerais reguladoras de subvencións, recollidas no anexo V ás bases de execución do orzamento vixente para o ano 2024, que é o prorrogado do 2023.





Concello de Cervo

27891 CERVO (Lugo) - Tfno.: 982 55 77 77 - Fax: 982 55 77 29 - C.I.F.: P-2701300-B

14.- PUBLICACIÓN.

Dado que a presente convocatoria vai destinada a entidades do Concello de Cervo perfectamente identificadas, publicarase na base de datos nacional de subvencións o extracto da convocatoria e o texto completo das bases publicaranse na páxina web do Concello de Cervo.

A alcaldesa

M^a Dolores García Carames

Documento asinado electronicamente á marxe.

